

装订人 
1996年6月30日



温州市图书馆

WENZHOU LIBRARY



温州市图书馆

WENZHOU LIBRARY



温州市图书馆


WENZHOU LIBRARY

恒軒文彙

陳傳道行略

先生諱傳道字金麟號霞軒少入邑庠名朱華試優等食餼貢入
 成均稟性忠厚言呐呐不出諸口臨事謹慎詳密無少差失雖居
 縣城而外間險傾軋之事概不與聞人亦不敢以此聞於先生
 居恒動必以禮與人相酬酢不苟訾笑以方宗之陳烈先生殆無
 多讓噫世風漸降機詐日開如先生之樸誠醇謹洵足以振靡武
 浮稱為長者夫誰曰不宜

樂清林天椿著



陳丕堂行略

公諱丕堂字賢升號爽崖少讀書長迫於家事乃納資為上舍生
天性樂易處鄉里以信睦為先有紛爭必為排解雖甚悍夫聞其
言無不降心以從蓋取信者有素也平日言恂恂如行兢兢如嚴
自檢束惟恐失墜然聞有義舉則又毅然贊其成每為人謀必往
復疇畫期於允當家無中人產而士人過其地必以為東道主鄉
人有所計議亦必質之逝世之日聞者皆惋惜失聲即此可見其
為人矣

飾當作飭

陳丕圭行略

表姊夫諱丕圭字禹錫號逸厓少聰穎應童試有聲守令皆稱賞
其文屢拔前茅厄於時命終不得售既壯乃棄舉子業專意于醫
治病輒有效平日謹飾亞於其兄醫之外不甚交外事獨以宗譜
久未修耿耿不忘謀之族衆力主其議功未及半遽已物故惜哉
配董氏後所明經新城公諱正官長女余表姊也知書識禮宗黨
稱之所尤難者道光癸卯年里人為沙埭陡門公事鳩資樹石表
姐獨捐貲若干貫為之倡噫婦人性多鄙吝較及錙銖如表姊者
可謂巾幗中丈夫矣

陳紹林小傳

公先世雙墳林氏繼於陳公不忘本宗故以紹林為名字茂懋號秀峰又號雁東少力學文未蔚然銳志勤讀終不得志中歲後乃棄舉子業授徒於鄉出其門下者皆成桃李之材素與同里逸崖友善逸崖慮宗譜久不修支派或佚倡議重葺公力贊其事既而逸崖逝世乃力任其勞往來採訪不憚跋涉可謂勤矣陳為邑西鉅族其譜凡十一冊篇帙繁重公以一身萃其成非志堅不能為此兩日勤於記錄見人撰著有可觀者即繕寫之謂之好學誰曰不宜素性淳厚處鄉里和光謙抑象論翕然稱之文宗公拔補佷生非其志也

商

陳菊齡小傳

君名椿盛字茂椿號菊齡少讀書弱冠迫於家政乃以貨入為上舍生賦性淳謹處鄉里循循如也家僅中人產然宗族鄰里有以困乏告者竭力扶助無吝色歲饑輒出粟以貸鄉鄰雖家用或缺不暇計鄉有義舉往商之必出資贊成其事事尊長以禮待親友情義交至姻戚有負之者終與修好絕不介意咸豐甲寅同居貧家皆病疫躬為延醫調理且為任祈禱費次第獲愈而君家十口皆坦然無事人皆謂鬼神陰相之然非積誠所感何以致此敝廬距君家一里而遠然初未相識年三十餘始與君交迄今平居過從握手言歡深知其胸懷坦直明大義非瑣瑣者比余自顧讀書三十餘年心地終不免俗累而君之慷慨豁達有如此念及此余滋愧矣爰述其梗概附諸家乘操月旦評者當不以余為阿私也

陳方朋行略

公讀書通大義其涉世也剛柔兼到方圓並至鄉人有紛爭強者以理斥之聞其言無不降心相從弱者以情安之聽其詞亦無不為之悅服而且家本寒素遇士人過其地必慇懃款留禮貌周備至於持家有法度以義方教其子弟凡受業其門者亦循循有規矩焉學師重其人舉為禮生平生多材能而不肯自炫而為人若此可謂一鄉之俊矣

陳傳誥小傳

生名傳誥字迪周號笛舟幼隨兄受業於余體弱多病而篤於學性穎悟經傳皆通大指兼習算法占卜星命之術然未嘗自炫也居家孝友咸豐辛亥秋母氏構危疾謁醫屢不效私封臂肉投藥中病小愈後卒不起生擗踊盡哀體為之瘠甲寅春嫂以疫卒兄慶又病疫生侍湯藥不少離或諷以疫能傳染宜早引避生怒曰至親莫如兄弟親者去將護侍疾於他人乎堅守不去兄遂以調理得愈其篤於天性如此工為詩絕句有中唐遺韻尤精篆刻朋友得其章圖珍如拱璧云

趙健夫家傳

公諱總乾印龍光字朝清號健夫樸庵公第三子也少有奇氣弱冠棄書學劍英武過人乾隆辛亥學使嘗公校士至溫愛公材勇拔補武庠弟子員公益自奮發朝夕練習凡超乘審鵠翹關負重諸技靡不精熟同學者皆歛手推讓甲寅科秋試遂以騎射舉於鄉踰年邑參戎耳公名招入尺籍月給衣糧每屆開府大閱校射必冠其儕偶由是屢擢至象山總司在任七年和協寅寮撫恤軍士政聲丕著年六旬致仕歸優游林下十餘年卒於家公幼讀書明理慷慨知大義持身清介居官財富之鄉不名一錢解職時宦囊蕭然性強毅敢於任事得公一言剖析莫不斬服公沒之後鄉人猶相與追慕之其為宗黨所倚重如此先是邑西武科自乾隆辛卯林韜後三十年無捷者公既獲雋材藝子弟聞風興起道光

乙酉從子步增庚子堂孫雲驤均舉鄉而鄰村鄭氏三人朱氏伯仲先後登科由公為之倡也配楊畧張氏安人溫厚有聞義生子三翼庠翼序翼教繼配盧氏稟性和順教子義方為鄉鄰所稱生子翼謨孫五人皆幼學

論曰趙氏與寒族里居相望世為婚姻趙族耆舊有名德者椿皆識之公早歲嘗過敝廬與家父握手言歡椿以通家子拜於床下得挹其言論風采至今猶不忘今公往矣後人守遺訓家風淳樸哲嗣翼謨曾從椿游言行慎密性情真摯肖公之為人知公之沆澤尚未艾也

趙簡夫家傳

公諱總坤字汝載既簡夫樸庵公第四子也少讀書習舉子業壯歲家業糾紛遂絕意進取性恬退不驚聲利杜門却掃不屑與聞外事居家勤敏綜理周詳持身儉約家本中人產而布衣蔬食不異寒素為人坦易無城府薄俗以機事機心相傾軋公視之蔑如也配蔣氏以厚德襄內政房閨之間禮義相勗可謂賢矣子翼魁嫺武略公勉以義方遂捷鄉闈筮仕戎行時公年過杖國優游井里含飴弄孫與二三戚友笑言酬答性真爛漫脫略塵情用能頤養天和兼備福壽卒年八旬後以子貴馳贈武信騎尉論曰勢利薰心攀援華胄恒情類然鄉宦雖疏親之必侈談之以為榮公兄及子皆以材勇捷武科登仕版以常人處之宜如何榮擢者乃謙抑自將略無侈色古所謂隱君子者公殆其人歟

親下原無之字

登上漏游字

歟

趙梯雲傳

表兄諱翼魁試名步增字冠星號梯雲贈公諱總坤自有傳先生
而岸異及長狀貌魁梧膂力過人贈公以其材武教之騎射輒壓
衆偶嘉慶丁丑督學李公喜其技勇選入武庫道光乙酉科中乙
榜春闈報罷歸而隸名樂營尺籍浙閩開府鍾公大閱至邑校三
營軍士射先五發皆中的鍾公壯之擢授本營把總越數年以本
銜調補嚴州營壬寅夷氛不靜奉檄助守定海閱踰月返嚴嗣後
歷仕桐廬壽昌諸汎平生宦轍往來不離於嚴兄少無宦情伯父
健夫公曾官象山總司嘗思馳贈祖父終不得便致仕後以為恨
事囑梯雲他日當成吾志兄因此厚自激勵獲登仕版遂託僚友
入都為之道地居間者浮況其事越七年乃得請道光己酉恭奉
恩綸馳贈祖父如其官庚戌正月捧詔書歸家喜動顏色謂其家

人曰吾今乃可以見伯父於地下矣居家兩月以簡書嚴急趣裝
赴官又奉檄至蕭山領餉米道途勞瘁積為弱症次年辛亥春長
子振秀聞之星馳至嚴則病勢已劇三月二十日巳時遂卒於官
舍年六旬兄在嚴日久接僚友以禮撫士卒以思嚴人懷之如私
親訃聞之日素交皆墮涕弔唁者絡繹於門秀扶柩歸里文武同
寅皆素服袒道公製輿蓋題仁風遠播四字以誌遺愛云兄幼習
詩書長嫻弓馬雖在行陣不廢披吟每寓書於家惟勗子讀書識
大義俾不墜家聲性樸訥從宦十年恒守直道外間夤緣諧媚之
術皆所不習上官稔知其人蓋器重之配南氏明慧有膽識子二
振秀振文俱業儒余與兄為中表親振秀又久從余游故於兄平
生踐履知之頗詳寒夜挑燈撥舉大略為之傳以授書之家乘貽
示後人

刑作形
矣作耶

論曰世智日深宦機日巧從事於此蓋亦難矣梯雲以伉直之
性無所依附終能備官閫外翔慶仕途然則世之營營於臚仕
者其亦可知所自處矣侯成兄又為余言健夫公生以乙酉中
以甲寅旗鈴款門梯雲生甫五日梯雲生以甲寅中以乙酉旂
鈴到則健夫公六十一歲生辰前五日也事之巧合有如此豈
刑家者言固有不可測者矣

通

求是齋詩鈔序

南戒一域大海環之登山而望有詩境焉若夫波濤萬頃奔騰澎湃滔星浴日浩無涯涘吾見諸少陵謫仙昌黎東坡魚龍曼衍寶藏充盈瓌形詭狀光怪陸離吾見諸義山昌谷樊川玉川風和日麗水波不興一艇夷猶儵然物外吾見諸香山放翁露白葭蒼風景高潔爽氣襲人毛髮皆慄吾見諸東野閭仙島媚山明泉流花放濤蓄潏洄游自適吾見諸襄陽摩詰此天地之奇觀實文章之偉觀也若夫溯源星宿濫觴崑崙則漢魏樂府而上及三百篇矣以此言詩詩豈易言然則吾將淺言之吾家在澗濱廣不五丈深半之可持竿而度也然一勺之多觀海者所弗棄孰謂此瀾瀾者之非水耶盈科而後進異日或可至於海顧其量則淺甚其諸枝流汊港之稍足泳游者乎是說也吾嘗持以許吾詩

簇上漏節字

異

求是齋詩鈔補序

西越之鄙人行歌于野其言颯颯如怨如慕不復知陽春白雪之
何以稱焉薛譚過而聞之曰嘻此何聲耶宜倨而句將墜而抗簇
之不諧絲篁之不叶嘒嘒焉慙置吾耳此何聲耶他日以語秦青
青曰是何足是山林之野人也鈞天廣樂之音清廟明堂之奏平
生所未聞老身長子所習者下里之詞耳發而為歌夫何足異且
子不見夫春林之黃鳥乎飛翔乎山梁之上栖遲乎澗谷之間頡
頏其羽睨晚其聲自許其適乎律呂也謂天下之能鳴者莫之及
矣洎引之以九皋之鶴高岡之鳳鳥且自悔其所鳴之小矣鄙人
之歌其類是夫且物生而有形即有聲聲者天之所賦賦工則工
賦拙則拙賦雅則雅賦鄙則鄙其工與拙也其雅與鄙也順性而
然而無不然是謂天籟天籟者真意之謂也於鄙人乎何嫌譚唯

新上...

唯而退乙卯之春鄉人有徵歌者客以秦青之言進航山子方編
詩喜其說之與已合也遂詮記之以為自序

溫州市圖書館

WENZHOU LIBRARY

瘦當作度

霓陽趙氏族譜記異

霓山之南里許有村曰霓陽居其地者為趙氏凡二十餘世矣趙
故出宋魏王後南渡時遷於樂明中葉遭倭亂族有某公隱于釋
氏號虛泉上人深以譜散佚為憂因舊所傳重葺之雖兵燹蒼黃
不少僣譜終以成趙氏之世系賴是以有考厥後數續修皆族中
長者主之乾隆庚子年其地拙齋翁又為新譜既竣事即藏之家
翁逝世其家委譜于敝篋不之顧替中表兄字侯成者趙氏篤行
君子也懼譜之終凶致負先人心造其家索觀燭其篋鼠穴而居
之而譜故完好即奉以歸曝去濕氣已度小齋書厨中旁環以典
籍而鍵其櫃踰月文宗蒞郡侯成束裝就試主人既外出書齋常
扃家人不數啟也又踰月侯成歸至是室督覩書厨一角有殘損
痕捫之木屑霏然脫落其未破者爪按皆中空心如白蠟所為憶

族譜貯其內急舉鑰檢視橫甫啟蠟拉雜飛散而集几案出書冊
皆篇頁斷碎無一卷得完者侯成驚失聲曰已矣譜其毀于此矣
予烏知此譜前幸免鼠之毀今乃卒羅蠹之害乎既睨其譜在蟻
叢中意遭齧似更甚殆于不可觸手則益驚惘然出之首簡如故
稍稍展卷視又似未遭齧者驚少定徐置几上理之自顛至末曾
未絲毫損斯時之喜雖千金之璧失而後獲不與易也重檢其書
籍固已狼籍零落如翦如穿案上蟻故翁翁然蜂屯而蠹聚也移
時慨然嘆曰靈爽之於昭一至是哉向之不毀於鼠猶謂偶也今
者厨與書蠹食殆盡而譜獨不之及非列祖在上有以陰相之其
何以能然世之尊事外神者信其精氣之在人如呼吸之相通也
獨于祖宗則忽之觀于此而知祖宗之靈較之外神又疑過之為
子孫者尚以冥冥中無形與聲遂謔為不可知哉椿初聞其事而
異焉繼而言之事之異理之常也因述以為述

異焉繼而言之事之異理之常也因述以為述

溫州府志卷之二十一



溫州市圖書館

WENZHOU LIBRARY

林舵岩號引

古人作易有取於漁舟楫之用興焉以木上水厥泉為舟而坎為
矯輮於木為堅多心又楫之所由仿舟必楫可以濟川猶世必有
材可以濟世 渙利貞其以此夫顧吾嘗渡江而南見夫鉅者船
小者舸乘流來徃一瞬百里其力不事繫乎楫蓋舟之濟險者尤
藉舵以持之古人制器有至理有楫以行舟即有舵以輔楫一常
一變互藏其用豈苟焉已乎家汝楫兄器識深遠嘗以利濟為心
年甫及壯屢為鏡困雖風波相軋卒亦處之晏然譬若涉水擊楫
中流有舵焉持舟而使正可謂能任重而克達矣方今聖人在
上民慶安瀾兄苟出利器乘長風破萬里浪斯巨川之楫知必有
輔以行者而渙所云乘舟有功亦利用之旨哉村北鳳凰山之陽
有岩曰舵樓予喜其名之適相佐也爰次鄙意貽之以號曰舵岩

輯作楫

鏡作境

出下漏其字

承

備

祭鄭次如表兄暨元配陳氏表嫂文

花老必謝月盈必缺未老未盈何為哀竭土薄易傾木剛易竭匪

薄匪剛何為毀裂吁嗟次如東里之英行修言道譽協鄉評儷以

艾耦婦學詳明秀蘭性靜瑞玉香清維吾岳翁蓉江宿德植桂培

槐庭階生色琪珪玳瓘溢潤維則日侍庭闈怡怡翼翼絜惟次如

實居其長躬奉槃匱旨甘頤養冢婦承歡中饋宴饗戒旦雞鳴問

安昧爽年光荏苒如水東流乾蔭既覆坤圖不留外和昆仲壙韻

最優內睦築里植穎先收維壙之音協以子律維植之苞蘊為公

林梓含香釀蓮房秀茁婚嫁安排女家男室顧男有室顧女有家

長者甫就幼尚童牙橋南護北霜雪交加一朝憔悴同返黃筓鳴

呼次如自古有死獨念吾兄不應至此兄逝太驟病二日耳先去

太奇倡隨尺咫謂血氣衰兄方艾年謂堂構備兄事未然謂澆致

和當作矧

殷勤下漏維元先姑實
維吾母維元令妹實為吾
婦廬李之親蘭交最久
王敬之報云

庚兄厚不遷謂暴損壽兄以和傳知兼內助精勤儉素儉則神清
 勤則體固奈此沉疴同悲大暮先庚後庚歌傳薤露吁嗟次如神
 歸太虛時經九月風雨敝廬萸囊無效藥餌空儲天乎莫問命也何
 如自兄之殂戚族悽愴巷輟其歌春停其相三黨之間涕淚相向
 念兄平時婉而直諒吾聞賢士排難解紛維兄有之詞意閭閻感
 其惠者道路傳聞况某戚末素接殷勤願言白首中道分離追思
 疇昔予懷之悲髫齡就傳寓硯宗祠遙施松柏蔦蘿兔絲瞻言渭
 陽飲食教誨追隨內兄心乎吾愛如鹿同群如魚同隊堂下承歡
 趨陪鯉對逮子弱冠令妹于歸鍾離詩寄雷岸書飛扁舟過訪問
 訊依依投桃報李德音莫違兄于舍姪又為翁婿秦晉疊盟朱陳
 舊契二姓之好合以三世姪其從姑恩誼勿替兄之二親早登絳
 霄兄有三弟仲雪先消季年踰壯氣海虛枵涼秋八月樹綠霜凋

致作政

感念鵠原失聲抱痛甫越三旬炊白入夢撫床哀號厲氣潛中崔
嫂沙哥漆棺連送嗚呼次如某復何云自予總角即傍五雲連茵
接席析義賞文三十餘年笑語歡欣狐首玉函遺書滿麓兄紹家
傳許吾共讀彈指星霜輒生病日命駕肯來金鏡屢祝予初賃序
爽塏待更兄為規畫有覺其楹予訪高齋靱履相迎陶家黍酒宋
嫂魚羹一昔棄予遨遊碧落携手偕行劉樊雙鶴霞散長空星沉
幽壑凝爽無多一个又弱靈其在上聽予一言夢幻泡影天道冥
論既有全子又有聞孫副墨雄誦可慰二尊毛公之麻姑之石
鴻爪雪泥人間遺跡書策杯棬手澤口澤孝子慈孫懷之無射懷
哉懷哉貽以全名文膺鸚荐詩賦鹿鳴貽封身後禮備哀榮致子
望之待振家聲後望無窮前塵默記疊聽臯呼臨風洒涕旨酒一
盛言不盡意鴻案相莊同歸一醉

鄭宜之誄

男兒不偶乃作文人文人不幸壯歲食貧食貧何害講席生春忽
遭厲氣遽歿其身嗚呼宜之後來之秀行美圭璋文成組繡俗徑
凡蹊概不能困一旦魂游使余心疚維子之行孝友為基事親愛
弟門內怡怡維子之品廉介自持義然後取非分弗窺維子之學
經為根柢諸子百家漁獵大旨維子之文落落自喜抗希古人探
源識委董君豫侯設帳珂鄉子方綺歲執贄門牆春秋佳日余過
講堂見子眉宇意氣揚揚維時尊人家資中落拮据謀生慘焉不
樂乃袖子文屬余裁酌謂若無成終身焉托余手課卷剪燭披吟
詞意豪邁見地精深余語而翁此非俗音養根俟實擢穎泮林蒞
苒三年子應童試一舉成名文壇得意余賀而翁主酣客醉一笑
掀髯前言可記微名雖就孔方無靈甘為親屈乃出授經衣食奔

默作黯

走眼孰垂青未幾失怙孤苦零丁子憂方長子志未挫子境維艱
子才益大肆力古文曲高和寡旁及歌詞寫其坎坷余有畏友黃
生崑南余有外甥雁行維三子皆投契把臂深談此中人語古籍
是探子于時賢眼光平視皮裡秋陽不露臧否顧獨于余願稱弟
子余感此情自慚奔鄙丙辰紀歲春日方暄余館家塾子館鄰村
每有撰著屬余討論辨說序記成一家言是歲之秋先嚴棄養雪
印麻衣風簪素帳子具辦香弔于堂上相對默然神情悽愴星霜
既易就聘蓮池東家高義余素相知重子學行經師人師授餐適
館厚意隆儀入此歲來主賓仍舊余住家園遂疎問候聞子中秋
歸視長幼邀月飛觴友朋邂逅仲秋乙丑余兒忽殤家門不幸慘
入肝腸未踰旬日又聞子訃音傳至淚下沾裳嗚呼宜之子有
老母室有令妻如賓如友家有兩弟如足如手口食艱難疇卹其

後子所著述大雅不群大篇小牘籍籍云云篋中草稿芝馥蘭薰
將子之逝墮于塵氛嗚呼宜之子年甫壯筋力方強精神無恙客
死他鄉幽靈惆悵魂兮歸來首邱在望何以慰子子遇奇窮貧而
短折六極之中仰天禱祝後望未終益思遺腹有子小同仲冬歲
望子當臯復縞袂登堂賓朋痛哭顧余隱憂形神淒感誅德有詞
藉茲尺幅

溫

祭南書紳文

嗚呼書紳其竟死乎以兄之仁孝而遽死以兄之長厚而遽死天
之待善人為何如乎然而不齊者命也無可奈何者數也天欲死
之則遂死之矣尚何言哉尚何言哉嗚呼書紳其竟死乎吾兩人
之交情乃至於是乎弟於庚辰春始與兄修相見禮癸未之月兄
見貽毓山書過蒙獎借因而定交請于父母質于鬼神藉衣裳之
會為車笠之盟意氣相得盡驩如也明年舅氏董夫子主講荷川
其東道主人於兄為姊丈又為吾中表兄一時賓朋戚友號為極
盛而吾兩人皆在門下兄年少氣盛方欲努力文章博取科第弟
雖髫齡心向往焉當是時也索有奇文兄與賞之書有疑義兄與
晰之清風朗月兄與暢之晨燈夜燭兄與勉之悠悠忽忽之志氣
兄振興而激勵之落落穆穆之神情兄扶持而鼓舞之弟自出就

外傳以來受益于師者固深受益于友者固不淺也厥後聚散不
常而兩人之交誼弥篤讀書之暇買舟造訪握手高談歲以為常
癸巳秋兄始得羸疾弟心竊慮之迨療治得安兄益慨然以學醫
為事將以自治兼以治人顧舊恙時作比年來瀕死者屢矣皆以
精于靈素數數獲痊要其精氣之銷亡固有非一朝一夕之漸者
而兄遂坐此以致不起嗚呼哀哉死者人之常即假兄以年由艾
而耄由耄而期頤終必有蓋棺之一日而兄則未嘗有子也未有
子而死則真死矣誠使主喪有嫡子脩短可不必計耳兄讀活人
書多所心悟數年來濟人之急凡幾全人之命凡幾以報施之理
推之即不得上壽亦何至于之嗣前歲弟來訪兄語及子嗣兄泣
然流涕吾猶以此相慰藉而今已矣無可慰藉矣此人之所以為
兄傷心即兄之所為不能瞑目者矣兄少與鄭佐卿友善同庚同

商

學又同年游泮乃佐卿于九年前溘然長逝其後兄夢佐卿招余
同去意者過去生平素有姻緣彼早逝而有子兄後死而無兒其
缺陷亦略相當然而壽兄以九年何如與兄以一子彼蒼之所以
處兄者却何陽厚而陰薄乎嗚呼書紳弟之哭兄既為兄哭更哭
其私也古人云得一知己可以無憾弟束髮受書聲名未出里巷
兄乃子尺牘數言特加稱賞忘年下交呼為小友其虛心樂善為
何如嗣是出門求友角逐文場輒與郡邑名流往來投贈而追思
總角之年相契最早者惟兄一人謂非生平一知己耶有友如此
乃病不能商藥餌死不能視殮含殯不效執紼之祭不致末芻
之奠弟之負兄一至於此哉嗚呼書紳弟之得交于兄二十年矣
此二十年中所得與兄晨昏聚首者惟甲申一載耳餘則別久會
稀心多結轡雖不時過從信宿而已然亦謂兩人年方強壯異時

白頭老友枉用相存臨風執手為日正長而不謂兄遽舍我而去也金蘭之簿裂矣雞黍之約虛矣聲音笑貌幽明隔矣文酒風流山河邈矣茫茫天壤間相與交好者止此二十年平日有同心之契而臨終無一面之緣益令吾振觸而離別之悲無窮期矣交情輾轉而無以自解矣嗚呼書紳兄病吾不知病而危吾不知病而危而遂至于死吾又不知後三日百亭始與吾言之謂兄於去冬得病自知已歲除之夕賦詩自悼哀痛動人蓋早為絕命之詞矣及疾之將革遍招親戚處置家事立後承桃及身而定且以遺言託之筆墨料理井井了無慘音矧留之際神識不亂此雖數十年學道之功安非宿生根器不及此夫文人慧業類非偶然傳記所載如遮頰之國兜率之宮芙蓉之城皆古來名人歸真之地其他山川洞壑凡高遠險深阻於人境者大都英魂才鬼之所

福下漏澤字

棲止君而來去分明如是超脫近於仙堅忍近於佛聰明而壹又
近於神蒼蒼在上生既挫折之死當有以位置之不然則聚其精
神凝其魂魄輾轉風輪而託生於富貴福之家亦事之所宜有者
顧安得三生片石為證此再來之公案乎

溫州市

敢當作聽

祭親翁趙梯雲文

嗟乎死生永訣之際人所同悲而親翁之逝則尤為可悲當此風
雨淒涼之際望靈馭之來歸敢臯呼兮甫復蓋有令人潛然涕出
者矣恭惟親翁少以材武聞於鄉既入邑庠旋登秋榜又受開府
大人之知擢為閫職既而之官嚴郡待兵士有思惠政聲遠播此
宜邀天之眷得享遐齡而何以遽逝也方親翁在任時荷蒙覃恩
貶贈先世龍章寵賚喜溢門閭給假錦還親朋交慶嗣以簡書嚴
促匆匆就道甫踰半年即嬰宿疾信使傳聞合家惶懼長令嗣束
裝徃省方冀調治無恙父子同歸豈料旬日間訃音已至嗚呼戎
幕風寒兵屯月冷招魂千里靈夢三春悲從中來焉能已已替里
居相近忝附舊交又因子婦寄名膝下為翁義女故得以婚媾之
誼仰託高門當此素帳高懸靈衣虛襲覩物傷情其能不吞聲而

飲泣耶然而人非金石豈能長存親翁身已貴矣名已榮矣一堂
三世福亦備矣令嗣二人英姿卓犖異日必能振其家聲親翁雖
逝亦可無憾於九泉矣茲丁七期謹率豚兒薄奠靈惟靈如不昧
其默鑒之

溫州市

書恆軒文彙後

高陽明經林恆軒先生有求是齋集垂涕集刊行已久其他未刊
詩凡四百餘首予既倩人繕錄一冊叙以存之而求其遺文散見
於他姓譜牒及為人吊祭諸作不無可傳彙而輯之不下十餘篇
邑志稱先生學有心得經子四部外於他種之學靡不卓有所見
而太僕孫氏叙垂涕集稱其讀書著文能精研諸儒書及天官曆
算家言知其所作文必有足以發抒其學者温州經籍志採先生
蒙川年譜謂其考忠肅率太學生上書事足訂宋史本傳之誤考
証頗為精確然則先生雖不以文傳而其學卒有可見於後世先
生有子年十六而亡太僕謂天之畜於恆軒如此高陽里人與予
言明經昔有菜香室藏書頗富記其哭子聯對句云千萬卷古今
圖籍留得三間老屋收藏待汝再來時似先生晚年猶望其子再

世之能讀書不謂其子不能再生自明經歿而主後者卒未克何
存其書予于茲深恫先生之學之不傳兩世書香難留一脈則夫
予之所以彙先生之文亦欲使後之人終有以傳明經之學焉乙
亥十一月高誼撰

溫州市



温州市图书馆

WENZHOU LIBRARY




温州市图书馆

WENZHOU LIBRARY



温州市图书馆

WENZHOU LIBRARY



上海人民美术出版社

0434